

**Talamdan
sa Mga Mensahe alang sa Full-time Training
sa Fall Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS**

Mensahe 14

**Pahusayon ang Kadait ni Cristo sa Atong Kasingkasing,
Papuy-on ang Pulong ni Cristo sa sulod Nato sa Madagayaon gyod,
ug Magmalahutayon sa Pag-ampo alang sa Usang Bag-ong Tawo**

Basahong Kasulatan: Col. 3:15-17; 4:2-4

- I. “Pahusaya ang kadait ni Cristo sa inyong kasingkasing, nga niini gitawag sab mo diha sa usa ka Lawas; ug magmapasalamaton mo”— Col. 3:12-15; 2:14-18:**
- A. Aron makahusay ang kadait ni Cristo sa atong kasingkasing, kinahanglan nga mga tawo ta nga “kon dunay nagmulo batok kang bisan kinsa, magpailobay mo sa usag usa ug magpinasayloay sa usag usa; maingon nga gipasaylo mo sa Ginoo, mopasaylo sab gyod mo”— 3:13:
 - 1. Ang Ginoong mapasayloon maoy atong kinabuhi ug nabuhi sa sulod nato; maayong gawi sa Iyang kinabuhi ang pagpasaylo; kon himoon nato Siya nga atong kinabuhi ug persona ug magkinabuhi ta pinaagi Niya, diha-dayon ang pagpasaylo nato sa uban—mahimo kining maayong gawi sa atong Cristohanong kinabuhi.
 - 2. Magmapasalamaton sab gyod ta sa Ginoo; diha sa kinabuhi sa Lawas angay gyong magmadaiton kanunay ang atong kasingkasing tali sa mga bahin ug magmapasalamaton gyod sa Ginoo.
 - B. Ang Griyegong pulong sa *pahusaya* mahubad sab og “mag-“referee,” mangulo, palingkoron sa trono ingog magbubuot ug tigdesidir sa tanang butang”; mowala sa atong pagmulo batok kang bisan kinsa ang naghusay nga kadait ni Cristo diha sa atong kasingkasing—vv. 15, 13.
 - C. Sagad nga mabati nato nga naay tulo ka tawo sa atong sulod: ang positibong tawo, ang negatibong tawo, ug ang walay gidapigan nga tawo; busa, gikinahanglan ang sulodnong paghusay nga mohusay sa paglalisay sa atong sulod:
 - 1. Mabati ngani nato naay nagkalainlaing tawo sa atong sulod nga naglalisay, hatagan gyod natog luna ang nangulong kadait ni Cristo ug pabut-on sa atong sulod kining kadaita, nga mao ang pagkausa sa bag-ong tawo, ug maoy kataposang papamulongon.
 - 2. Ipadaplin gyod nato ang atong opinyon, atong hunahuna, ug mamati sa pulong sa nagpuyo-sa-sulod nga “referee”.
 - D. Kon pahusayon nato ang kadait ni Cristo sa atong kasingkasing, mohusay kining kadaita sa tanang paglalisay sa atong taliwala; maanaa tay patindog nga kadait tali sa Dios ug pababag nga kadait tali sa mga balaan:

1. Tungod sa paghusay sa kadait ni Cristo, masulbad ang atong mga problema, ug mawala ang pagbingkilay tali sa mga balaan; maampingan dayon ang iglesiahonong kinabuhi diha sa katam-is, ug praktikal nga mamintinar ang bag-ong tawo.
 2. Nagbuhat ang naghusay nga kadait ni Cristo sa atong sulod aron maoy magbuot nato, maoy kataposang mamulong, ug maoy kataposang modesider—itandi sa Isa. 9:6-7.
 3. Kon kanunay tang magpabuot sa naglingkod-sa-trono nga kadait ni Cristo, dili ta makasilo o makadaot ba sa uban; tungod sa grasya ug kadait sa Ginoo, makapangalagad hinuon tag kinabuhi sa uban—1 Juan 5:16a.
 4. Mobugkos gyod pag-usa sa tanang magtutuo kining kadaita ug mahimong bugkos sa panagdait nga nagpahiusa—Efe. 4:3.
- E. Dili lang nga pahusayon gyod nato sa atong kasingkasing ang kadait ni Cristo, kondili magmapasalamaton sab gyod ta sa Ginoo; diha sa kinabuhi sa Lawas angay gyong magmadaiton kanunay ang atong kasingkasing tali sa mga bahin ug magmapasalamaton gyod sa Ginoo sa Iyang pag-atiman ug pagluwas kanato adlaw-adlaw—Col. 3:15b; Sal. 107:1-2, 8, 15, 21, 31-32.

II. “Papuy-a ang pulong ni Cristo sa sulod ninyo sa madagayaon gyod”—Col. 3:16-17:

- A. Ang pulong ni Cristo sa Colosas aron man magpadayag ni Cristo (1:25-27) diha sa Iyang pagkauna-sa-tanan, pagkasentro, ug paglukop (vv. 16-17).
- B. Kanang mopuyo ang pulong ni Cristo sa sulod nato sa madagayaon gyod nagpasabot nga duna kiny igong luna sa sulod nato nga makatuhop ug makasurop sa tibuok natong pagkatawo; mahinungdanon kaayo nga pasudlon, papuy-on, padag-on nato ang pulong ni Cristo sa sulod nato, ug papulihon sa atong mga hunahuna, mga opinyon, ug mga pilosopiya—Sal. 119:130; itandi sa Bug. 21:23; 22:5.
- C. Paunahon gyod nato ang pulong sa Ginoo sa sulod nato aron masinati nato ang mga kagamitan sa pulong sa Dios nga nagbuhat sa atong sulod—Col. 3:16:
 1. Nagbuhat ang buhing pulong sa Dios, ang pulong ni Cristo, aron ipangalagad ang buhing Dios ngadto sa mga nagtinguha Niya—Sal. 119:2, 88.
 2. Nagbuhat ang buhing pulong sa Dios, ang pulong ni Cristo, aron ipaambit ang Dios mismo ingon nga kinabuhi ug kahayag ngadto sa mga nahigugma sa pulong—vv. 25, 50, 107, 116, 130, 154.
 3. Nagbuhat ang buhing pulong sa Dios, ang pulong ni Cristo, aron magpahiuli sa kalag sa tawo ug maglipay sa kasingkasing sa tawo—19:7-8.
 4. Nagbuhat ang buhing pulong sa Dios, ang pulong ni Cristo, aron magluwas nato—119:41, 170.
 5. Nagbuhat ang buhing pulong sa Dios, ang pulong ni Cristo, aron maglig-on (v. 28), maglipay (v. 76), ug magtil-og (v. 103) nato.
 6. Nagbuhat ang buhing pulong sa Dios, ang pulong ni Cristo, aron magsapnay, mag-amping, ug magpalaom nato—vv. 116-117, 49.
 7. Tungod sa buhing pulong sa Dios, sa pulong ni Cristo, makapahimulos ta sa Dios nga pahat nato—v. 57.
 8. Tungod sa buhing pulong sa Dios, sa pulong ni Cristo, makapahimulos ta sa panagway sa Dios (v. 58) ug sa pagsidlak sa Iyang nawong (v. 135).

9. Tungod sa buhing pulong sa Dios, sa pulong ni Cristo, makapahimulos ta sa Dios nga atong tagoanan ug taming (v. 114) ug makapahimulos sab sa tabang ug maayong pagtagad sa Dios (vv. 175, 65).
 10. Nagbuhat ang buhing pulong sa Dios, ang pulong ni Cristo, aron himoon tang maalamon ug hatagan og pagpanabot—vv. 98-99.
 11. Nagbuhat ang buhing pulong sa Dios, ang pulong ni Cristo, aron hatagan tag hustong pag-ila ug kahibalo—v. 66.
 12. Nagbuhat ang buhing pulong sa Dios, ang pulong ni Cristo, aron mopugong nato nga dili magpakasala ug magpalayo nato sa tanang dalan nga daotan—vv. 11, 101.
 13. Nag-amping nato ang buhing pulong sa Dios, ang pulong ni Cristo, aron dili ta mapandol (v. 165), ug naglig-on sa atong mga lakang, ug nagpadaog nato sa kadaotan (v. 133).
 14. Nagputli ug nagpatahom nato ang buhing pulong sa Dios, ang pulong ni Cristo, aron mahimo tang pangasaw-onon Niya—12:6; 119:140; Efe. 5:26-27; Isa. 60:7b, 21; Sal. 27:4.
- D. Kahayag ba o dili ang pulong sa Dios sa atong kasinatian nag-agad gyod sa atong tinagdan ug kahimtang sa pagduol nato sa Pulong—Juan 5:39-40:
1. Ipaubos gyod nato ang atong kaugalingon, dili mosalig sa atong kaugalingon kondili mangamuyo hinuon nga kaluy-an sa Ginoo—Isa. 57:15; 66:2.
 2. Bukas gyod unta ang tanang lawak sa pagkatawo nato sa sulod aron modawat sa paghayag sa Ginoo—Prov. 20:27.
- E. Dili gyod ta maggamag kahayag; mosalig hinuon ta sa Ginoo nga hayagan ta Niya—Isa. 50:10-11.

III. “Magmalahutayon mo sa pag-ampo”—Col. 4:2-4:

- A. Kon moampo ta segun sa mga gitudlo sa Ginoo Lucas 11:1-13, ang resulta mao nga iampo nato ang atong kaugalingon ngadto sa Dios:
1. Sagad nga sa kasinatian nato masimang ta gikan sa Dios; dili ta magpabilin diha sa Dios—mao nga iampo gyod nato ang atong kaugalingon ngadto sa Dios.
 2. Kay dali ra man tang masimang gikan sa Dios, mogugol gyod tag panahon matag buntag uban Niya, iampo ang atong kaugalingon ngadto Niya—Sal. 5:3; Isa. 50:4.
 3. Kon makapasimang nato gikan sa Ginoo ang atong inampoan ug dili magdala nato ngadto Niya, usbon gyod nato ang atong inampoan aron ikaampo nato ang atong kaugalingon ngadto Niya.
 4. Iampo ngani nato ang atong kaugalingon ngadto sa Dios, madawat nato ang Iyang kadato (nga girepresentahan sa mga tinapay, sa isda, ug sa itlog) nganhi sa atong pagkatawo aron masangkapan ta—Luc. 11:5-13.
 5. Nagrepresentar ang mga tinapay sa kadato sa yuta; nagrepresentar ang isda sa kadato sa dagat; ug nagrepresentar ang mga itlog sa kadato sa butang nga naa sa kahanigan ug sa yuta; ang Espiritu Santo maoy kinatibuk-an ning mga kadatoa.
 6. Ikaampo na ngani nato ang atong kaugalingon ngadto sa Dios aron magpabilin diha Niya, madawat nato ang Espiritu Santo nga atong sangkap sa kinabuhi (nga girepresentahan sa mga tinapay, isda, ug itlog) aron makakaon ta ug ang tanang giatiman nato—Mat. 24:45-46; 1 Juan 5:16a; 2 Cor. 3:6; Buh. 6:4.
 7. Mogugol gyod tag igong panahon sa pag-ampo, pribado ug sekretong mokontak Niya sa piho ug makusganong pagkontak—Luc. 11:13; Mat. 14:22-23; 6:6.

- B. Ang pag-ampo nagpasabot nga baliwala ta ug nga wala tay mahimo; nagpasabot kini nga ang pag-ampo mao ang tinuod nga pagdumili sa kaugalingon—Mar. 8:34; 9:29; Col. 4:2; Gal. 2:20; Fil. 3:3; 4:6-7, 11-13.
 - C. Ang pag-ampo sa pagkatinuod pagpahayag man nga, “Dili na ako, kondili si Cristo”; nagpamatuod ang pag-ampo nato nga wala ta mogamit sa kaugalingon natong paningkamot sa pagtagad sa bisan unsang sitwasyon—Gal. 2:20; Rom. 10:12-13.
 - D. Bisan sa kinagamyang mga detalye mangutana gyod ta sa Ginoo; ang pagbuhat niini paglahutay man sa pag-ampo ug sa ingon niana magkinabuhi kang Cristo—Sal. 27:4; itandi sa Jos. 9:14; Fil. 4:7-8.
 - E. Mogahin gyod tag pihong mga panahon alang sa pag-ampo; ang tinagdan nato mao nga ang pag-ampo gyoy labing importanteng buluhaton nato ug nga wala gyoy paulangon nato niini—Dan. 6:10; Buh. 12:5, 12.
 - F. Aron mamati ang Dios sa atong mga pag-ampo, moampo gyod ta patumong sa mga tinguha sa Dios, nga gitiman-an sa Balaang Yuta, balaang syudad, ug balaang templo—1 Hari 8:48:
 - 1. Ang Balaang Yuta naghulagway ni Cristo nga pahat nga giapod-apod sa Dios sa mga magtutuo (Col. 1:12; 2:6-7; Deut. 8:7); ang balaang syudad nagtimaan sa gingharian sa Dos diha ni Cristo (Sal. 48:1-2); ug ang balaang templo nagtimaan sa balay sa Dios, sa iglesia, dinhi sa yuta (Efe. 2:21; 1 Tim. 3:15).
 - 2. Sa panahon sa pagkabihag sa Babilonia katulo nag-ampo si Daniel matag adlaw nga inablihan ang iyang mga bintana paatubang sa Jerusalem; nagpakita kini mamati ang Dios sa atong pag-ampo kon ipatumong nato ni Cristo, sa gingharian sa Dios, ug sa balay sa Dios nga tumong walay kataposang pamatigayon Niya ang pag-ampo nato sa Dios—Dan. 6:10.
 - 3. Nagpasabot kini sa bisan kinsa pay giampo nato, ipatumong gyod nato ang atong pag-ampo sa mga tinguha sa Dios, sa ato pa, ni Cristo ug sa iglesia nga mga tinguha sa Dios dinhi sa yuta, aron matuman ang pamatigayon sa Dios.
- IV. Sa gibut-an ta sa kadait ni Cristo ug gipuy-an sa pulong ni Cristo pinaagi sa malahutayong pag-ampo, tuhopan ug pulihan ta Niya sa Iyang Kaugalingon hangtod mawala ang tanang natural nga kalainan nato ug mahimo tang bag-ong tawo sa realidad—Col. 3:15-17; 4:2-3; 3:10-11.**